

卷一百九十八



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百九十八
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 太官署 珍羞署

良醞 主簿 掌醢署 武庫署 武器署 左右都候

丞 守宮署 主簿 公車司馬令 武庫署

丞 諸陵署 主簿 崇玄署 諸牧監 典廩署

正 典牧署 主簿 乘黃署 諸牧監 典廩署

司直 丞 評事 主簿 監 獄丞

[彩色首頁1](#)

東洋文化研究所漢籍目錄 編號: B3510400
 東洋文化研究所漢籍目錄所藏漢籍善本文影像資料庫 索書號: 貴重-17
 漢籍善本文影像資料庫文本杜氏通典二百卷 嘉靖十八年西樵方獻夫刊本
 版權所有: 東京大學 東洋文化研究所
[使用上的注意事項](#)

王左武衛將軍阿史那泥孰爲右賢王以貳之薛延陀
聞思摩渡河北慮其部落翻附磧北先蓄輕騎伺至而
擊之太宗遣使勅止之時思摩下部衆渡河者凡十萬
勝兵四萬人思摩不能撫衆皆不愜服至十七年相率
叛之南渡河請分處於勝夏二州之間詔許之思摩遂
輕騎入朝尋授右衛將軍從征遼東爲流矢所中太宗
親爲吮血其見顧遇如此未幾卒于京師贈兵部尚書
夏州都督陪葬昭陵立墳以象白道山詔立碑於化州

杜氏通典卷第一百九十七終

杜氏通典卷第一百九十八

邊防十四 北狄五

突厥中

突厥別部車鼻可汗亦阿史那之族也代爲小可汗
牙在金山之北頡利可汗之敗北荒諸部將推爲大
可汗遇薛延陀爲可汗車鼻不能當率所部歸於延
陀爲人勇烈有謀畧頗爲衆所附延陀惡而將誅之
車鼻知其謀竄歸于舊所其地去京師萬里勝兵三
萬人自稱乙注車鼻可汗西有葛邏祿北有結骨皆
附隸之遣其子沙鉢羅特勒來朝請身自入朝太宗
遣使徵之竟不至太宗大怒貞觀二十二年遣右衛

卽將高保潛引廻紇僕骨等兵衆襲擊之其酋長歌
邏祿泥孰闕侯利發反拔塞匱處木昆莫賀咄侯斤
等率部落背車鼻相繼來降永徽元年保軍次阿息
山車鼻聞之召所部兵皆不赴遂携其妻子從數百
騎而遁其衆盡降保率精騎追車鼻獲之送于京師
乃獻于祖廟又獻于昭陵高宗數其罪而赦之拜左
武衛將軍賜宅于長安處其餘衆於鬱督軍山置狼
山都督以統之車鼻長孫羯漫隨先統拔悉密部車
鼻未敗前遣其子菴鑠入朝太宗嘉之拜左屯衛將
軍更置新黎州以統其衆車鼻旣敗之後突厥盡爲封
疆之臣於是分置單于幹海二都護軍府于領狼山

雲中桑乾二都督蘇農等十四州瀚海金微新黎等七
都督仙峒賀蘭等八州各以其酋爲都督刺史高宗東
封泰山狼山都督葛邏祿吐利等首領三十餘人並從
至嶽下勒名於封禪之碑永徽以來二十餘年北鄙無
事調露元年單于管内突厥首領阿史德溫奉賊二部
洛相率反叛立泥孰匱爲可汗二十四州並叛應之高
宗遣鴻臚卿蕭嗣業右千牛將軍李景嘉率衆討之反
爲溫敗兵士死者萬餘人又令禮部尚書裴行儉爲定
襄道行軍大總管率太僕少卿李思文營州大都督周
道暮等統衆二十餘萬討擊溫大破之泥孰匱爲其下
所殺并擒奉賊而還永宗元年突厥又迎頡利從兄之

子阿史那伏念於夏州將渡河立爲可汗諸部落復響
應從之又令裴行儉率師討之伏念窘急詣行儉遂虜
伏念詣京師斬于東市永淳二年突厥阿史那骨咄祿
復反叛骨咄祿者頡利之疎屬其父本是單于右廂雲
中都督尉舍利元英下首領代襲吐屯噉伏念旣破骨
咄祿鳩集亡散入總材山聚爲羣盜有衆五千餘人又
抄掠九姓得羊馬甚多漸至強盛乃自立爲可汗以其
弟默啜爲設咄悉匱爲葉護其所因温彦博議處河南
諸部落分爲六州後漸滋繁至阿史那元珍習中國風
俗知邊塞虛實實在單于檢校降戶部落嘗坐事爲單
于長史王本立所拘繫會骨咄祿入寇元珍請依舊

檢校部落本立許之因而便授骨咄祿骨咄祿得之
甚喜立爲阿波大達于令專統兵馬事進寇蔚州都
督崔智辯擊之反爲所殺文明元年又寇朔州殺掠
吏人垂拱二年骨咄祿又寇朔代等州左玉鈐衛中
郎將淳于處平爲陽曲道總管與副中郎將蒲英等
率兵赴援行至忻州與賊戰大敗死者五千餘人三
年骨咄祿又寇昌平令左鷹揚衛大將軍黑齒常之
擊却之其年八月寇朔州復以常之爲燕然道大總
管擊賊於黃花堆大破之追奔四千餘里賊衆遂散
走磧北右監門衛中郎將爨寶璧又率精兵萬三千
人出塞窮追反爲骨咄祿所敗全軍盡沒寶璧輕騎

製 複 許 不

NOT TO BE REPRODUCED

東京大学東洋文化研究所

遁歸初寶璧見常之破賊遽表請窮其餘黨武太后
令常之與寶璧計議遙爲聲援寶璧奏其功先行又令
人出塞二千餘里覘候見元珍等部落皆不設備遂
率衆掩襲之既至又遣人報賊令得設備出戰遂爲
賊所覆寶璧坐此伏誅武太后大怒因改骨咄祿爲
不卒祿元珍後率兵討突騎施臨陣戰死骨咄祿天
授中卒默啜者骨咄祿之弟也骨咄祿死其子尚幼
默啜遂篡其位自立爲可汗長壽三年率衆寇靈州
殺掠吏人武太后遣白馬寺僧薛懷義爲代朔道行
軍大總管領十八將軍以討之既不遇賊尋班師焉
默啜俄遣使來朝武太后大悅冊授左衛大將軍封

歸國公賜物五百段明年復遣使請和又加授遷善
可汗萬歲通天元年契丹首領李盡忠孫萬榮反叛
攻陷營府默啜遣使上言請還河西降戶即率部落
兵馬爲國討擊契丹許之默啜遂攻契丹部衆大潰
盡俘其家口默啜自此兵衆漸盛武太后尋遣使冊立
默啜爲特進頡跌大單于立功報國可汗聖曆元年
默啜表請與武太后爲子并言有女請和親初咸亨
中突厥諸部來降附者多處之豐勝靈夏朔代等六
州謂之降戶默啜至是又索此降戶及單于都護府
之地兼請農器種子武太后初不許默啜大怒言辭
甚慢拘我使人司賓卿田歸道將害之時朝廷懼其

丘勢納言姚璿建議請許其和親遂盡驅六州降戶
數千帳并種子四萬餘石農器三千事以上與之默
啜寢強由此也其年武太后令魏王武承嗣男淮陽
王廷秀就納其女爲妃遣右豹韜衛大將軍閻知微
攝春官尚書大齋金帛送赴虜廷行至黑沙南庭默
啜謂知微等曰我女擬嫁與李家天子兒你今將武
家兒來我突厥積代以來降附李家聞李家天子種
未總盡唯有兩兒在我今將兵助立遂收廷秀等拘
之別所僞號知微爲可汗與之率衆十餘萬襲我靜
難及平狄清夷等軍靜難軍使左玉鈴衛將軍慕容
巖以兵五千入降虜進寇媯檀等州武太后令司

農卿武重規爲天兵中道大總管武威將軍沙吒忠
義爲天兵西道總管幽州都督張仁寬爲天兵東道
總管率兵三十萬擊之左羽林衛大將軍閻敬容爲
天兵西道後軍總管統兵十五萬以爲後援默啜又
出恒州道寇蔚州陷飛狐縣俄進攻定州殺刺史孫
彥高焚燒百姓廬舍虜掠男女無少長皆殺之武太
后大怒又改默啜號爲斬啜尋又圍逼趙州長史唐
波若翻城應之刺史高敷抗節不從遂遇害武太后
乃立廬陵王爲皇太子令統河北道行軍大元帥軍
未發而默啜盡殺所掠趙定等州男女八九萬人從
五回道而去所過殘殺不可勝言沙吒忠義及後軍

總管李多祚等皆持重不敢戰河北道元帥納言狄仁傑總兵十萬追之無所及二年默啜立其弟咄悉匄爲左廂察骨咄祿子默矩爲右廂察各主兵馬二萬餘人又立其子匄俱爲小可汗位在兩察之上仍主處木昆等十姓兵馬四萬餘人又號爲拓西可汗自是連歲寇邊久視元年掠隴右諸監馬萬餘匹長壽三年默啜遣使莫賀達干請以女妻皇太子之子武太后令太子男恩平王重俊義興王重明廷立見之默啜遣大臣移力貪汗入朝獻馬千疋及方物以謝許親之意武太后讌之於宿羽亭太子相王及朝集使三品以上並會焉重賜以遺之中宗即位默啜

又寇靈州鳴沙縣靈武軍大總管沙吒忠義拒戰敗績死者六千餘人賊遂進寇原會等州掠隴右郡牧馬萬餘疋而去忠義坐免中宗令內外各進破突厥之策右補闕盧備上疏曰遠荒之地凶悖之俗難以德綏可以威制降自三代無聞上策昔方叔帥師功歌周雅去病耀武勳列燕山則萬里折衝在乎擇將春秋謀元帥取其悅禮樂敦詩書晉臣元凱射不穿札而建平吳之勳是知中權制謀不在一夫之勇其蕃將沙吒忠義等身雖驍悍志無遠圖此乃騎將之才本不可以當大任且師出以律將軍死綏師敗棄軍古有常典近者鳴沙之役主將先逃輕挫國威須

正邦憲又其中軍既敗陣亂矢窮義勇之士猶能死戰功成紀錄以勸戎行賞罰既明將士盡節此擒敵之術也臣又聞以蠻夷攻蠻夷中國之長算故陳湯統西域而郅支滅常惠用烏孫而匈奴敗請購辯勇之士班傳之儔傍結諸蕃與圖攻取此又犄角之勢也臣又聞昔置新秦以實塞下宜因古法募人徙邊選其勝兵免其行役次廬伍明教令則徂習戎事究識夷險其所虜獲因而賞之近戰則守家遠戰則利貨趨赴鋒鏑不勞訓誓朝賦楊柳夕歌杖杜十年之後可以久安上覽而善之默啜於是殺我行人假鴻臚卿臧思上以思言對不屈節特贈鴻臚卿仍命左

屯衛大將軍張仁愿充朔方道大總管以禦之景雲二年三月張仁愿於河北築三受降城先是朔方軍北與突厥以河爲界河北岸有拂雲祠突厥將入寇必先詣祠祭酌求福因牧馬料兵候水合渡河時默啜盡衆西擊婆葛仁愿乘虛奪取漢南之地築三城首尾相應絕其南寇之路留年滿兵助成其功以拂雲祠爲中城與東西相去各四百里皆據津濟遙相應接北拓三百餘里於牛頭胡那山北置烽堠百八十所自是突厥不得度山放牧朔方更無寇掠減鎮

兵數萬人

初羣議不全肅宗竟從仁愿計時咸陽兵

股慄盡力六旬而三城俱就本不置擁門及曲敵或問之仁愿曰兵法貴在攻取不宜退守寇若至此即

當併力出戰回顧望城猶須斬之何用守備生其默
思歸之心其後常元楷爲朔方總管始築擁門 默
啜西擊凌葛破滅之契丹及奚自神功之後常受其
徵役其地東西萬餘里控弦四十萬自頡利之後最爲
強盛自恃兵威虐用其衆默啜旣老部落漸多逃散
開元二年遣其子移沮可汗及同俄特勒妹婿六拔
頡利發石尙失畢率精騎圍逼北庭右驍衛將軍郭
虔瓘嬰城固守俄而出兵擒同俄特勒于城下斬之
虜因退縮六拔懼不敢歸攜其妻來奔制授左衛大
將軍封燕北郡王封其妻爲金山公主賜宅一區奴
婢十人馬十疋物千段明年十姓部落左廂咄六啜
右廂五弩失畢五俟斤及子婿高麗莫離支高文簡

跌跌都督思大等各率其衆相繼來降前後總萬餘
帳令居其河北之舊地授高文簡左衛員外大將軍
封遼西郡公跌跌思大爲特進右衛員外大將軍兼
跌跌都督樓煩郡公自餘首領封拜賜物各有差默
啜女婿阿史得胡祿俄又歸朝授以特進其秋默啜
與九姓首領阿思布等戰于磧北九姓大潰人畜多
死思布率衆來降四年默啜又北討九姓拔曳固戰
于獨樂河拔曳固大敗默啜負勝輕歸而不設備遇
拔曳固逆率頡質畧於柳林中突出擊默啜斬之便
與入蕃使郝靈佺傳默啜首至京師骨咄祿之子闕
特勒鳩合舊部殺默啜子小可汗及其諸弟并親信

畧盡立左賢王默棘連是爲毗伽可汗毗伽以開元
四年卽位本蕃號爲小殺性仁友自以得國是闕特
勒之功固讓之闕特勒不受遂以爲左賢王專掌兵
馬是時奚契丹相率款塞突騎施蘇祿自立爲可汗
突厥部落頗多攜貳及召默啜時衙官瞰欲谷爲謀
主初默啜下衙官盡爲闕特勒所殺瞰欲谷以女爲
小殺可敦遂免死廢歸部落及復用年已七十餘蕃
人甚敬服之俄而降戶阿悉爛跌跌思大等復自河
曲叛歸初降戶南至單于左衛大將軍單于副都護
張知運盡收其器仗令渡河而蕃人怨怒御史中丞
姜晦爲巡邊使蕃人訴無弓矢不得射獵晦悉給還

之故有抗敵之具張知運驟設備與降戶戰于青岡
嶺大敗臨陞生擒知運擬將送與突厥朔方總管薛
納率兵追討之賊至大斌縣又爲將軍郭知運所擊
賊衆大潰散投墨山呼延谷釋張知運而去上以張
知運喪師斬之以殉小殺旣得降戶謀欲南入爲寇
瞰欲谷曰唐主英武人和年豐未有間隙不可動也
我衆新集猶尚疲羸須且息養三數年始可觀變而
舉小殺又欲修築城壁造立寺觀瞰欲谷曰不可突
厥人戶寡少不敵中國百分之一所以常能抗拒者
正以隨逐水草居處無常射獵爲業人皆習武強則
進兵抄掠弱則竄伏山林唐兵雖多無所施用若築

城而改變舊俗一朝失利必將為唐所併且寺觀之法教人仁弱本非用武爭強之道不可置也小殺等深然其計八年冬御史大夫王峻為朔方大總管奏請西徵拔悉密東發奚契丹兩蕃期以明年秋初引朔方兵數道俱入掩突厥衙帳於稽落河上小殺聞之大恐瞰欲谷曰拔悉密今在北庭與兩蕃東西相去極遠勢必不合王峻兵馬計亦無能至此必若能來候其臨到移衙帳向北道三日唐兵糧盡自然去矣且拔悉密輕而好利聞命必自先來王峻與張嘉貞不協奏請有所不愜必不敢動若王峻兵馬不來拔悉密獨至即擊取之勢易為也拔悉密果臨突厥

衙帳而王峻兵及兩蕃不至拔悉密懼而引退突厥欲擊之瞰欲谷曰此衆去家千里必將死戰未可擊也不如以兵躡之去北庭二百里瞰欲谷分兵間道先掩北庭因縱兵卒擊拔悉密之衆盡為突厥所擒并虜其男女而還瞰欲谷回兵因出赤亭以掠涼州羊馬時楊敬述為涼州都督遣副將及判官元澄出兵邀擊之瞰欲谷曰敬述若守城自固即與連和若出兵相當即領軍戰我今乘勝必有功矣敬述下兵至那契丹遇賊元澄令兵士擗臂持滿仍急結其袖會風雪凍烈盡墮弓矢由是官軍大敗元澄脫身而走敬述坐削除官爵白衣檢校涼州事小殺由是大

振盡有默啜之衆俄又遣使請和之與玄宗爲子許之仍請尚公主上但厚賜而遣之十三年上將東巡中書令張說謀欲加兵以備突厥兵部郎中裴光庭曰封禪告成之事忽此徵發豈非名實相乖說曰突厥比雖請和獸心難測且小殺者仁而愛人衆爲之用闕特勒驍武善戰所向無前瞰欲谷深沉有謀老而益壯李靖徐勣之流也三虜協心動無遺策知我舉國東巡萬一窺邊何以禦之光庭請遣使徵其大臣扈從即突厥不敢不從又亦難爲舉動說然其言乃遣中書直省袁振攝鴻臚卿往突厥以告其意小殺與其妻及闕特勒瞰欲谷等環坐帳中設宴謂振

曰吐蕃狗種唐國與之爲婚奚及契丹舊是突厥之奴亦尚唐家公主突厥前後請結和親獨不蒙許何也袁振曰可汗旣與皇帝爲父子豈合婚姻小殺等曰兩蕃亦蒙賜姓猶得尚公主但依此例有何不可且聞入蕃公主皆非天子女今之所求豈問真假頗請不得亦實羞見諸蕃振許爲奏請小殺乃遣大臣阿史得頡利發入朝貢獻因扈從東巡發都至嘉會頓引頡利發及諸蕃酋長入仗仍與之弓箭時有兔起於御馬之前上引弓傍射獲之頡利發便下馬捧兔舞蹈曰聖人神武超絕若天上則不知人間無也自是嘗令突厥入仗馳射起居舍人呂向上疏曰

臣聞鳴梟不鳴米爲瑞鳥猛虎雖伏豈齊仁獸是由
醜性毒行久務常積故也夫突厥者正同此類安忍
殘賊莫顧君親陛下以武藝臨之文德來之旣情威
靈又沐聲教以力以勢不得不庭故稽顙稱臣奔命
遣使階下乃能收其傾効雜以從官赴封禪之禮參
玉帛之會此德業自盛固不可名焉因復許其從遊
召入禁仗仰英姿之四照覩神藝之一發恩義俱極
誠無得踰焉乃更賜以馳逐使操弓矢競飛旋於前
全獲獸之樂是屑畧太過未敢取也雖聖旨詔達與
物無猜而愚臣徘徊與時加慄倘此等各懷犬吠交
肆盜憎荆卿詭動何羅竊至斯更逼嚴蹠稍冒清塵即

禮玄方丘墟幽土單于爲醜穹廬爲淨何塞過責特
願勿復親近使知分限待不失常歸於得所此謂迴
兩曜之照祛九宇之憂不盡其上納其言遂令諸
蕃先發東封迴駕設饗厚賜而遣竟不許其和親自
是絕滅無聞

杜氏通典卷第一百九十八終

杜氏通典卷第一百九十九

邊防十五 北狄六

突厥下

鐵勒

薛延陀

僕骨

同羅

都波

拔野古

多濫葛

斛薛

契苾羽

阿跋

鞠國

俞柁

大漠

白霄

突厥下

西突厥大邏便

木杆可初木杆與沙鉢畧可汗有隙

因分爲二

大邏便汗即其國居烏孫之故地東至突厥

國西至雷翁海南至疎勒北至瀚海在京師西北七

千里自焉耆國西北七日行至其南庭自南庭又正